

BOSNA I HERCEGOVINA



БОСНА И ХЕРЦЕГОВИНА

Tužilaštvo - Tužiteljstvo Bosne i Hercegovine  
Тужилаштво Босне и Херцеговине

Broj: T20 0 KT 0023431 23  
Sarajevo, 11.01.2024. godine

SUD BOSNE I HERCEGOVINE  
- Sudiji za prethodno saslušanje –  
SARAJEVO

Na osnovu člana 35. stav 2. tačka i), člana 226. stav 1. i člana 227. Zakona o krivičnom postupku Bosne i Hercegovine, p o d i ž e m:

О П Т У Ж Н И Ц У

PROTIV:

IVANA STIPIĆA, zvanog „Zuza“, [REDACTED] rođenog  
[REDACTED] 1984. godine u Mostaru, [REDACTED] državljanina BiH, [REDACTED]

[REDACTED]

████████████████████  
████████████████████  
████████████████████

Što je:

**I) Ivan Stipić**

Dana 29.11.2022. godine, oko 18,00 sati na lokaciji PGP Gorica ██████████ lokalitet Kadima, općina Posušje, na šumskom putu prema Republici Hrvatskoj u neposrednoj blizini državne granice BiH sa granicom Republike Hrvatske, osumnjičeni Ivan Stipić, radi sticanja pritivpravne imovinske koristi, po prethodnom dogovoru ██████████, preuzeo grupu od pet državljana Republike Turske i to: ██████████ u namjeri da ih prokrijumčari preko granice BiH u Republiku Hrvatsku, postupajući protivno članu 6. Protokola protiv krijumčarenja migranata, kopnenim, morskim i vazdušnim putem kojim se dopunjuje Konvencija UN protiv transnacionalnog organiziranog kriminala („Službeni glasnik BiH“, broj: 3/02) i članu 7. stav 2. Zakona o Graničnoj kontroli („Službeni glasnik BiH“, broj: 53/09, 54/10 i 47/14), znajući da državljani Republike Turske ne ispunjavaju uslove za zakonit prelazak preko državne granice BiH sa Republikom Hrvatskom, niti ispunjavaju uslove za zakonit ulazak u zemlje Europske Unije odnosno da u tim državama nemaju odobren boravak ili prebivalište, kako je to propisano članom 8. stav 1. Zakona o strancima („Službeni glasnik BiH“, broj: 88/15 i 24/21), tako što je iste preuzeo na njemu poznatoj lokaciji u mjestu Podvranić, prevezao ih svojim putničkim motornim vozilom marke AUDI A4, registarskih oznaka ██████████, a potom ih poveo šumskim putem prema Republici Hrvatskoj u neposrednoj blizini granice, gdje je zatečen od strane djelatnika PGP Gorica i lišen slobode.

**II) Ivan Stipić**

Dana 29.11.2022.godine, oko 18,00 sati na lokaciji PGP Gorica ██████████, lokalitet Kadima, općina Posušje, na šumskom putu prema Republici Hrvatskoj u neposrednoj blizini državne granice BiH sa granicom Republike Hrvatske, osumnjičeni Ivan Stipić nakon što je zatečen u krijumčarenju pet lica državljana Turske od strane službenih osoba djelatnika Granične policije BiH, PGP Gorica i to: ██████████, s namjerom upućivanja ozbiljne prijetnje da će napasti iste, prema gore navedenim službenim licima, u namjeri da ih spriječi da ga liše slobode, usmjerio lovački nož ██████████ ukupne dužine cca 21 cm, sa oštrim sječivom/oštricom dužine cca 11 cm, maksimalne širine sječiva/oštrice cca 25 mm, maksimalne debljine oštrice cca 2,8 mm, s neoštećenim špicastim vrhom, da bi nakon izdatog upozorenja od strane ovlaštenih službenih lica da nož odbaci, osumnjičeni Ivan Stipić nije postupio po naredbi i dalje držeći nož usmjeren prema službenim licima prijeteći im tako da će ih napasti nožem, nakon čega su službena lica Granične policije BiH istog okružili, a potom ponovili naredbu 4-5 puta da bi osumnjičeni odbacio nož od sebe i bio lišen slobode od strane pripadnika Granične policije BiH.



**Dakle da je,**

Radi pribavljanja imovinske koristi, pokušao prevesti više lica među kojima i maloljetnike nezakonito preko državne granice i usmjeravanjem noža prema pripadnicima Granične policije BiH, koji su ga otkrili u vršenju krivičnog djela uputio ozbiljnu prijetnju da će napasti službeno lice u institucijama BiH, prilikom njegovog lišenja slobode kao počinioca krivičnog djela Krijumčarenja ljudi iz člana 189. stav 4. u vezi sa stavom 1. KZ BiH.

**Čime je,**

Počinio krivično djelo Krijumčarenja ljudi iz člana 189. stav 4. u vezi sa stavom 1. KZ BiH u vezi sa članom 26. istog Zakona i krivično djelo Napad na službeno lice u vršenju poslova sigurnosti, otkrivanju ili lišenju slobode počinioca krivičnih djela iz člana 241.b stav 1. KZ BiH, sve u vezi sa članom 53. KZ BiH.

**T U Ž I L A C**  
**TUŽILAŠTVA/TUŽITELJSTVA BiH**